

江蘇府縣志輯

中國地方志集成

重修興化縣志

續修興化縣志

中國地方志集成

江蘇府縣志輯 (48)

咸豐重修興化縣志

民國續修興化縣志

江蘇古籍出版社 ● 上海書店 ● 巴蜀書社

責任編輯 卞惠興
封面設計 范一辛

中國地方志集成

江蘇府縣志輯④

出版 江蘇古籍出版社

(南京中央路一六五號)


印刷 上海市印刷七廠

發行 新華書店


定價 上海發行所
一七八元

1991年6月第1版 1991年6月第1次印刷

ISBN 7-80519-262-6 / K·142



咸豐重修興化縣志



(清)

梁園棣

修

(清)

鄭之僑

纂

趙彥俞

本書十卷，據清咸豐二年（一八五
二）刻本影印。

重修興化縣志叙

自九邱與典墳並重小史外史掌邦國四方之志而後世志地理志郡國者實仿其例焉戴記言州史閭史二十五家之閭尚有史矧一邑乎今

朝

廷重郡邑之寄名官曰知膺是職者非知古知今知利知弊安能勝任吾儕從數千里外作宰一邑其於古今利弊豈克遽知

叙

故衷前善後惟載籍是求志乘之作由來尚已興志自福清張公修後迄今百六十年宰興者頗有志增纂顧周君石藩議修而未果龔君木民倡修而俄輟至王君子涵規模粗備其叙略曰道光壬寅余宰興土諸生請修邑乘余乃會紳士因舊志而正其體例芟其繁冗補其缺漏刊其錯誤遵江南通志分為十門稿未竟余奉聘入

叙

闡撤棘後又有句曲之役志局諸人郵請序數言以弁首余始至興即知薛子聯元著有志稿其子樹聲暨諸同人更協力續纂其功不可沒也王君之叙云爾顧大綱雖立而條目猶闕園棟於道光戊申承乏陽山邑紳亦以修志請歲歉未遑旋亦委署句曲而公時攝興篆者魏君默深博雅好古欣然欲肩其事然河務倥傯亦未開局也迨庚戌夏園棟復任邑人踴躍以申前請默深亦憇源歲事遂與廣文鄭趙二君及紳士輩分類編輯暮月而成既成叙之曰昔人謂修史之難莫過於志今邑乘不名圖經而以志名志豈易言修哉施愚山所論頌長吏則諛傳先達則夸紀名勝則附會撫文緯則浮蕪俗志比比無論已若韓五泉朝邑志以高簡著名而朱竹垞

病宋人志長安吳郡赤城未免太簡是故
失之繁濫與簡略者後人皆不能無憾載
筆者欲繁簡適中誠匪易矣况園棣簿
書執掌率爾操觚尤多踳駁惟斤斤然遠
循歐張二公之舊轍近守朱民子涵之體
裁信者書之疑者闕之參羣書以考實采
輿論以求當而已如謂園棣知古知今知
利知弊勒為一書信令傳後不愧一邑之
叙

三

史也則吾豈敢抑吾聞興化為昭陽采邑
舊隸海陵至楊吳始置縣乃國策史記及
五代史未載載之者邑乘也使無邑乘今
人烏知昭陽之食采楊吳之置縣然則自
康熙甲子至今百六十餘年其間風俗水
利吏治人物苟湮沒弗載後人又烏得而
知之耶

天子改元踐阼文物聿新下邑志乘守土者

安敢聽其廢墜儼俛重修園棣不得以不
文辭矣若乃新唐書之謬為吳氏所糾蕭
山志之誤為毛氏所刊茲編豈無紕漏而
睫在目前苦不自見補遺正訛尚俟博物
之君子

咸豐元年歲次辛亥仲冬之月長至日知

興化縣事靈石梁園棣謹叙於陽山

官舍之退思堂



叙

四

舊序一

明萬曆十九年
興化知縣歐陽東鳳潛江人

三代列國侯封皆有史官掌記時事秦郡縣天下禁挾書除諡法而列國之史廢矣四方章奏輿圖悉歸博士掌故之府金匱石室之秘世罕見之蕭何入關收秦圖籍而漢祖緣是以知扼塞便攻守是知紀載之書爲用甚大古者天子省方則命太史陳風市司納價欲以觀民設教非史末繇也明興一統有志郡縣有志內外相維詳略相因一時裨官野史各紀間見撰成一家之言而仁人志士又莫不悉心殫慮以展其經國之猷奮筆直書以洩其憤世疾邪之蘊蓋自載記以來作述之家興化縣志

舊序

於斯盛矣惟茲興化僻處東海斥鹵之地賦重民罷物力少詘而人文蔚起學問好修不減鄒魯若乃省閭名公朝廷元輔諫垣臺憲秘書藩臬心膂股肱之佐先後踵出乎其鄉誠縉紳之淵藪人才之都會也二百年來間見之所薰習師友之所誦說故家遺俗流風善政多有存者東風承乏茲土獲覩舊志世代沿襲碌落錯陳爰起世宗末禩以抵廢歷三十四年文獻凋謝往蹟疎闊失時不修將成缺典竊有憾焉間與一二耆儒錯綜其事刪竄改易潤以文藻匯爲全書名之新志俾後來者得有所據而無不足不徵之歎或問作志之意何居

曰夫志寓一王之法備六事之全體三才之撰言無微而可忽道無往而不在者也舉要言之其目有幾曰明天道以診機祥則天文之紀也察地道以正疆域則地理之紀也遵禹道以則壤濬川則人事之紀也準臣道以別功能明淑慝則人官之紀也觀賁道以成化理則人文之紀也以稽述作則詞翰之紀也正婦道以表貞孝則女德之紀也示中道以昭物軌使民弗納於邪則民行之紀也是其著者總之布公道以協民心陳直道以明己志存古道以挽頽風若是焉而作者之意備矣是之謂道無往而不在也古之人臣陳王道以事其君

興化縣志

舊序

二

雖服休服采所職不同忠愛之心一焉耳執吾志以述吾所守之職以一道德以同風俗挽斯民斯世於三代之隆以順吾君從欲之治不在是乎不在是乎是志也其事質其詞文敷引旁遠恣縱而準於道雖於良史之才不敢仰望其萬一而使司國計者少留意焉而因以究利病之原酌損益之宜盡補救之術與之邑其有瘳乎而鳳也瘳曠之責亦庶乎其少追矣

舊序二

國朝康熙二十三年
興化縣知縣張可立

皇上御極之二十一年
命史臣纂修一統志

詔天下府州縣各以其志來上維興化縣志前邑令雖已節略上之郡而其書未成余適承乏此地因念邑志自有明辛丑爲令歐陽公東鳳所修輯今廢不講者八十年矣一切文獻幾於放失此亦有司之責也雖當災患頻仍之餘顧恭奉

明詔其

可以已乃考掌故酌古今閱三年而志始成乃爲之序

序曰昔夏爲禹貢周有職方上自山川下逮男女以迄厥貢厥篚其浸其利之屬纖悉具備自後馬班作史創爲八書十志雜記天官五行地理河渠平準食貨洎於藝文皆原本禹貢職方而起者也以是措之事業則爲興化縣志

舊序

三

政教發之詞翰則爲文章士學古入官苟以實學爲實政豈不體用兼該矣哉興化東瀕海北距淮潮波浩蕩城郭置其中一澤國也戰國爲楚將昭陽食邑地而三閭大夫范文正公胡安定先生之祠在焉其水勢迴繞風氣之秀發爲人文科目之盛甲於江淮賢相名銓烏臺梧掖之賢者後先接踵其地爲魚鹽所出其田雖瘠而不逢歲勞則有年近以數罹水患歲饑民貧邑志湮沒既久舉凡溝洫遷改城池圯建市廛增損祠宇修毀戶口登耗土物豐歉吏治得失人物高下風聲謠俗貞邪與賢人君子忠孝節烈逸民列女皆失於載紀今不

圖更修恐後之日益湮沒也士大夫莅官守土率簿書期會刑名錢穀之是務若夫志之所載則見爲迂闊而莫之急然則怪石浮磬箇箴橘柚之紀不過一石一木之纖微而男女二二一五之別無非街巷里閭之鄙事禹貢職方何以考之必周記之必詳哉是書之作考獻徵文發凡起例雖不敢謂竊取禹貢周禮之義而師其大略於邑乘不無小補焉不知者以爲闕遠之爲而知者以爲政事文章之要也亦以續前人未竟之緒而已不與歐志較工拙也一日者或

朝廷下輶軒之使持之獻

興化縣志

舊序

四

天子告史氏於以當子夏所求百二十國之寶書備一統志萬分之一或亦庶乎其可哉

舊序三

李清邑人

史者經也三代以上綜爲經三代以下別爲史而州志邑乘興焉其爲之者固不一人也有少長其地者爲之如會稽典錄益州耆舊華陽國志之出自虞預陳壽常璩諸人是也有宦遊其地者爲之如吳興郡疏雜錄地紀及入東紀之出自王韶顏真卿吳筠諸人是也雖誌有詳略文有繁簡而皆以焜耀往古昭示來茲稱不朽焉興化舊志有二一出縉紳胡公時可手一出邑父母

歐陽千仞手猶前志也自茲以還沈閣不修者近百禩矣予每欲與二三同志拮拾遺忘網羅放失成一邑之史而老至毫及忽忽未能卒業比年乃得福清張公蔚生甫柅車卽以此事爲己任每於懸魚瘞鹿之暇輒筆削焉漏者補之訛者訂之亂雜而無章者次第之排纂之辛勤拮据逮數年而後潰於成綱二十目三之披閱其帙非獨繼往開來徵文考獻而已而勞人之苦心鉅公之偉略亦時時發見於行墨之間故觀於災祥疆域而公之使民因天闢地者可徵也觀於山川水利而公之爲民禦災捍患者可徵也觀於田賦戶口而知租調

興化縣志

舊序

五

爲愛民之原其施從厚斂從薄者可徵觀於物產風俗而知富庶爲保邦之本其因年上下與道汗隆者可徵戰不可好亦不可忘故兵禦徵焉國以人興亦以人廢故人物徵焉至於學校選舉職官名宦無不詳其得失別其妍媸核其薰蕕寓其予奪以與王政相表裏雖史也進乎經矣將後之爲令者俯而讀仰而思考古今之異同鑒世道之升降則政典在是教化亦在是豈特文章之事哉或曰以較歐陽孰難孰易孰優孰劣曰優劣吾不知若其難易則可考而原也蓋慶厯以前其事省今則繁矣其難者一也慶厯以前其人厚今則薄矣其

難者二也且歐陽爲志或損或益總以一代爲統歸今則陵谷遞遷滄桑互易沿革廢興不一其規而欲收拾整齊歸於畫一如公羊指定哀之失而司馬作秦楚之表豈不戛戛乎其難哉辨其難易而優劣從可知矣予雖不敏夙好載筆之學當兀坐土室時曾不能發凡起例成一家之言與會稽華陽諸書爭長而絮短而公乃從戴星逮日不遑寢洩中訊遺考求掌故以藏其事比之魯國諸君恢恢有餘地焉然則公之才豈止與歐陽較難易而予則視胡公時可且望崖返矣此予所爲重有媿也抑有感焉當明萬厯中常從閣臣之請開局修

興化縣志

舊序

六

史未幾而輟識者憫惜之向令名山之藏有聞石渠之業不廢則赫赫聲名久垂金石豈待今日乃正史未成而外史雜出于陳人也能無慨然於古今之際哉然而苟得其人善其事正不必蓬萊天祿也雖山川之紀未始不可以備珠囊雖都邑之簿未始不可以參實錄禮失求野豈不信乎爰述片言於簡首兼誌愧感云爾

附載前倡修各官及原派分纂采訪紳士

總修

原任興化知縣 周際華 貴州貴筑縣進士

原任蘇州府船政同知前知興化縣 龔潤霖 湖北監利縣拔貢

欽加州銜現任豐縣知縣前署興化縣 王檢心 河南內鄉縣舉人

現任溧水縣知縣前署興化縣 陳敦詩 湖北嘉魚縣舉人

現任高郵州知州前署興化縣 魏源 湖南邵陽縣進士

協修

原任興化學教諭 汪燁 安徽歙縣舉人

原任興化學訓導 孫錫康 吳縣舉人

興化縣志 纂志街名

前署興化學教諭 陳國藩 丹徒縣廩貢生

前署興化學訓導 阮嘉言 上元縣舉人

總纂

前署湖北遠安學訓導 劉淳 天門縣人

前署直隸唐山縣知縣 王滌心 內鄉縣人

歲貢 生 薛聯元

分纂

生 員 李年

歲貢 生 解履鼐

歲貢 生 袁青藜

舉人 趙國中

誥封奉直大夫 廩膳生 陳聖功

采訪

生 員 江潤

生 員 趙子霖

生 員 徐中約

生 員 黎元

恩貢 生 金德輝

附貢 生 吳範金

興化縣志 纂志街名

附貢 生 王聯芳

歲貢 生 王正方

歲貢 生 陳鴻賓

副貢 生 姚繼聲

總修

欽加州銜知興化縣事 梁園棣 山西靈石舉人

協修

興化學教諭 鄭之僑 吳縣舉人

興化學訓導 趙彥俞 丹徒舉人

揀選知縣文正書院山長 蔡春泉 合肥舉人

分纂

賜進士出身翰林院編修 劉熙載

賜進士出身戶部主事 陳廣德

舉人知河南魯山縣 鄭鑒

興化縣志 纂志銜名

舉人知湖南華容縣 袁青綬

增廣生 薛樹聲

廩貢生議敘九品 趙慎修

拔貢生注選直隸州州判 李福祚

拔貢生注選直隸州州判 李祓

舉人揀選知縣 顧驥

收掌

生員 薛樹人

生員 朱廣培

總理局務

舉人豐縣訓導議敘加一級紀錄一次解杏芳

生員議敘九品 王蕙芳

附貢生議敘八品加一級 趙振鐸

采訪勸捐

歲貢生注選訓導 黃晉卿

歲貢生候選訓導議敘加一級 楊清瑞

生員 黃佐卿

恩貢生候選教諭 徐桂一

舉人知四川彭水縣 王啟芳

校對

興化縣志 纂志銜名

靈石縣生員 梁星炤

丹徒縣生員議敘九品 趙性禾

歲貢生 李福禔

增廣生 徐中煥

生員 錢愛春

廩生 顧繼榮

生員 薛燦文

舉人 楊斌

舉人 宗伯五

繪圖

生	員	陳聖修
鄉場采訪勸捐		
各鄉莊		
生	員	楊福基
監	生	陳思祖
生	員	趙復心
監	生	楊福延
廩	生	朱佑
白駒場		
恩貢	生	朱絲
興化縣志 纂志銜名		
監	生	陳濟
生	員	楊己山
序	生	李進德
草堰場 西園附		
武舉試用	守禦所千總	錢麗春
武舉揀選	漕標千總	錢景春
監	生	袁國泰
附	貢	錢探春
序	生	陳訓元
附	貢	董卜熊

監	生	錢約春
序	生	陳訓良
生	員	陳玉成
監	生	董步崧
序	生	陳泮秋
生	員	陳欽翎
丁溪場		
監	生	馮駿
生	員	丁占驥
小海場		
興化縣志 纂志銜名		
歲貢	生	袁青管
舉人	揀選知縣	袁青箱
舉人分發	安徽署當塗縣	袁青雲
歲貢	生	袁良
劉莊場		
武舉揀選	漕標千總	朱得英
監	生	束謙
生	員	朱履坦
安豐鎮		
監	生	王維馨

監生 葉竹林

監生 易長齡

監生 朱蘭

監刻

興化安豐司巡檢 曹飛鴻 安徽涇縣增生

典史 馬壽松 盛京吉林監生

興化縣志 卷之五 街名

五

附載官紳士民輸捐姓名

原任興化縣周 捐廉三百千文

原任興化縣龔 捐廉四百千文

知縣事 梁 捐廉二百千文

朱應元捐錢 一百六十千文 鄒達拔捐錢一百千文

王廷獻捐錢五十千文 朱 獲捐錢三百千文

袁青綬捐錢五十千文 吳 晉捐錢三十千文

朱得英捐錢二十千文 朱金詔捐錢 二十四千文

朱滄洲捐錢十六千文 卓 謙捐錢十二千文

任鴻儒捐錢三十千文 程德興捐錢十六千文

興化縣志 附載捐名

錢灼華捐錢二十千文 葉竹林捐錢 二十四千文

易長齡捐錢四十千文 楊甘霖捐錢四十千文

楊兆元捐錢十千文 王光德捐錢 二十四千文

朱青陽捐錢十八千文 袁 良捐錢八千文

劉 銓捐錢二十千文 董煥珊捐錢 二十四千文

董卜熊捐錢十千文 陳際恩捐錢四千文

袁量士捐錢五千文 單 月捐錢六千文

袁青旂捐錢五千文 朱光鑑捐錢十二千文

朱光斗捐錢八千文 陳調珍捐錢六千文

陳玉成捐錢六千文 陳調元捐錢十千文

陳清秀捐錢六千文

陳欽翎捐錢十千文

陳泮秋捐錢三千文

葛懷仁捐錢五千文

黃步盤捐錢五千文

陳境捐錢三千文

袁塔捐錢四千文

史耀宗捐錢五千文

朱蘭捐錢二十四千文

吳正邦捐錢四千文

顧會元捐錢十千文

唐萬盛捐錢三千六百文

翁馭鑾捐錢二千文

王錚捐錢四千文

竇正興捐錢五千文

王元興捐錢五千文

楊義興捐錢五千文

彭成道捐錢八千文

楊燕亭捐錢五千文

馮以信捐錢二十千文

興化縣志 附載捐名

二

西鹽匪捐錢一百千文

小鹽匪捐錢二十六千文

海店舖捐錢二十千文

夏從繩捐錢六千文

宗耀彩捐錢四千文

錢寔捐錢五千文

錢持印捐錢四千五百文

朱履坦捐錢六千文

楊書田捐錢四千文

楊書祥捐錢四千文

朱沔川捐錢七千文

劉世模捐錢二千文

陳遂喬捐錢二千文

董卜鈴捐錢二千文

夏邦彥捐錢二千文

朱文炳捐錢二千文

楊己山捐錢十千文

劉鍾捐錢一千文

楊廷幹捐錢十千文

陳志庠捐錢四千文

張律唐捐錢二十四千文

陳希哲捐錢三千文

朱鳴皋捐錢十五千文

徐霞林捐錢十一千文

李學山捐錢五千文

吳秉鉞捐錢十千文

王嵩年捐錢五千文

王愛賢捐錢三千文

章承勳捐錢八千文

顧享捐錢三千文

陸苑春捐錢三千文

王東啓捐錢一千五百文

王邦閔捐錢二千文

奚如同捐錢二千文

季三英捐錢二千文

王止戈捐錢四千文

王保極捐錢四千文

錢凌雲捐洋錢一元

陳文藻捐錢二千文

袁青桂

興化縣志 附載捐名

三

康安瀾

朱履芳

蕭有南

朱履和

朱玉成

朱芳

彭有鳳捐錢五十千文

馮馥田

彭鳳祥

馮甘霖

程鶴年

王猷

程峻楠

陳耕一

楊福基

許占元

楊福延

劉慶升

馮春元

戎西亭

董金榮

陳鏡蓉

錢景春

袁需

錢探春

楊御李

宗選

楊協和

錢絢春

馮駿

宗式

馮慶春

李兆瑞

馮吳氏

金仁貴

王鶴

葛義桐

錢愛春

董卜圻

束朋

興化縣志

附載捐名

李增美

劉可成

袁禮存

宗春陽

袁榮

束揆

錢長齡

束本鑾

袁東藩

朱慶元

錢采江

顧景星

陳雲

張以書

錢凌霄

王燮方

董可富

周志宣

蔣裕如

王成玉

四

任漢章

韋東科

朱榕

韋庶

朱筆

韋寶

馮鯤

徐杏蘭

馮錦

陳濟

韋東泰

朱絲

韋貫

李駒生

仲春林

陳炤

仲春華

陳燾

韋江瀾

陳國城

興化縣志

附載捐名

陳熾

沈觀榮

李進德

章郁文

李崇泰

仲發全

李增壽

周之瑞

劉典

趙禮畊

劉謨

陳思祖

盛朝輝

邵殿元

王福元

成學文

王福海

夏長松

熊方泰

唐振鐸

五

王與齡	沈正初
任厚貽	余涵齋
劉峻奇	余肯堂
陳廷瑞	吳其慎
陳有堂	鄭子硯
解晉蕃	顧子升
任墨卿	方錦霖
江瑜華	顧藍琳
任漢儀	孫彥升
胡棣唐	劉厚村
興化縣志 附載捐名	
趙香岩	楊盛符
趙西齋	徐湘琳
趙竹塘	李香樹
解雨香	成景顏
黃子仲捐錢八千文	孔周文
王友蘭	顧實符
李渭陽	許玉堂
顧金門	戚士英捐錢十千文
張左泉	黃敦厚堂捐錢四千文

重修興化縣志
凡例
一修志先正體例舊志所分似未盡一謹遵江南通志定爲十綱以目分隸其下
一興志有三胡志佚歐志僅存張志閱今一百六十餘年文獻凋謝蒐輯爲難阿府志歲月較近舛誤滋多今爲釐正以免遺誤後人
一按籍不若披圖前志燦然如列眉指掌百餘年來水利變遷謹圖目前形勢以備採擇
一舊志疆域南北俱被鄰封侵占歷數百年之久其興化縣志 凡例
一能歸我故物否聊存舊說用志廣輪
一興邑水利不載運隄諸水則上游不清不載海口諸廂則去路罔辨又湖水入海涇河廂洩水最大湖水入江人字河洩水最大然入海不如入江之近而且速名賢碩畫俟當事者垂覽焉
一興邑田賦乾隆初民田減則嘉慶初屯田減賦數十年間兩沐
洪慈而丁銀攤入地畝徭役盡行芟除故田賦一條謹遵欽定賦役全書據現在奉行者書之前代賦役開附一二益以見我